

Na osnovu člana 3. stav 4. , člana 19. stav 1. tačka 3. i člana 21. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16), a u vezi sa članom 22. Zakona o tržištu vrijednosnih papira („Službene novine Federacije BiH“, broj: 85/08, 109/12 i 86/15) i na osnovu člana 35. tačka (k) Statuta Grada Bihaća („Službeni glasnik Grada Bihać“ broj: 13/15), Gradsko vijeće Bihać na 28. sjednici održanoj dana 24.12.2018. godine, donijelo je:

**ODLUKU**  
o zaduženju Grada Bihaća  
putem emisije obveznica Grada Bihaća

**Član 1.**

Odobrava se zaduženje Grada Bihaća putem emisije municipalnih obveznica zbog prikupljanja sredstava za finansiranje kapitalnog izdatka utvrđenog Budžetom Grada Bihaća za 2019.godinu – dogradnja i sanacija Sportske dvorane Luke, u iznosu do 2.000.000,00 KM (slovima: dvamilionakonvertibilnihmaraka i 00/100).

**Član 2.**

Osnovni elementi obveznica iz tačke 1. Ove odluke su:

- Emitent : Grad Bihać
- Iznos emisije: 2.000.000,00 KM
- Rok dospjeća : 5 godina
- Isplata kamate: polugodišnje
- Isplata glavnice: jednokratno na datum dospjeća
- Svrha zaduženja: dogradnja i sanacija Sportske dvorane Luke

**Član 3.**

(1) Gradsko vijeće Grada Bihaća, na osnovu ove Odluke, ovlašćuje Gradonačelnika da u ime Grada Bihaća može zaključiti sve ugovore koji proizilaze iz člana 1.ove Odluke u skladu sa Zakonom o javnim nabavkama.

(2) Daje se saglasnost Gradonačelniku da potpisuje sva potrebna dokumenta vezana za realizaciju emisije municipalnih obveznica.

**Član 4.**

(1) Proceduru izbora izvođača radova na dogradnji i sanaciji Gradske dvorane Luke će vršiti Gradski organ uprave putem nadležne Službe.

(2) Povrat sredstava emisije municipalnih obveznica će se vršiti iz prihoda Budžeta Grada i ostvarenih prihoda JU za sport, odmor i rekreaciju što će se regulisati posebnim Sporazumom, kojeg će u ime Osnivača potpisati Gradonačelnik.

## Član 5.

Nakon provedenih pripremnih procedura potrebnih za emisiju obveznica a u skladu sa članom 26. Zakonom o tržištu vrijednosnih papira („Službene novine Federacije BiH“ broj: 85/08) Gradonačelnik će Gradskom vijeću dostaviti Odluku o prvoj emisiji obveznica.

## Član 6.

(1) U budžetu Grada Bihaća za 2019. godinu će se planirati zakonski troškovi provođenja emisije .

(2) Grad Bihać će svoji Budžetom, u periodu otplate emisije obveznica, planirati sredstva namjenjena urednom servisiranju istog.

## Član 7.

Gradonačelnik je dužan nakon realizacije ove Odluke o istom izvjestiti Gradsko vijeće .

## Član 8.

Ova Odluka stupa na snagu 8. (osmog) dana od dana objavljivanja u „Službenom glasniku Grada Bihaća“.

Gradsko vijeće  
Broj: GV-14-195  
Bihać, 24.12.2018.godine

Predsjedavajući Gradskog vijeća  
Davor Župa